

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

كاس قرطاج

اداء علي صبري

قصيدة في فوز قناة ساهور بكاس مهرجان قرطاج السينمائي عن مسلسل قمر بني هاشم

يا ساهور مبروك الجايزه
في قرطاج لي كاسك حايزه
دايره رضا رحمانك وعايزه
وبالتعظيم لي سيد الدايره
برضو كمان عند الله الفايزه
تزيدي محبه ودايما نايره
مسلسل احيا مشاعر امه
قمر بني هاشم يا مشاهدين
وقصة سيرة تزيل الهمما
دي قصة هادي ونور للدين
مسلسل من سودانا وسوريا
ومن لبنان والاردن ايضا
ودايما ربنا نعمتو جاريه
وكلو من الرحمن بس فيضا
يا قرطاج افخري بي ذاتك
وكونو مسلسل طه اجزتي
واشكري نعمة ربنا جاتك
وكاس الكاس فزتي واحرزتي
نقول مبروك يا عامر كاسنا
وسيرة النبي دايما هامانا
والمحبيب تاجا في راسنا
ورحمة ربي دوام عامانا
سيرة طه دي اعظم سيره
وقصة تههم العالم كافه
يوم الناس في البعث اسيره
بتعرف قدره البشر الجافه
بنهدي الكاس لسيد الساده
معا هو محبة كل شعوبنا
صلاه وتسليم مليون واشاده
وليكن قايدنا ويا محبوبنا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

كاس قازان

اداء نجود محمد عجب

قصيدة في فوز قناة ساهور بجائز مدير مهرجان قازان عن فيلم رحمة للعالمين

لساهور جايزتا الثانية
في قازان بي كاسك هانيه
تترستان في المنبر ذهبي
فزنا بجائزة مامير جوف
هيا دراما السيره التهيبي
سوي محبه تحرق الجوف
فاز فيلمنا الذائع صيتو
محمد رحمه للعالمين
وربنا حافظ دينه وبيتو
والاحباب تامين سالمين
فيلم اخراج نجدة انزورنا
شيخ الفن في الشام الغاليه
يلا يا شاهد شوفو وزورنا
تلقى مدارس الفن العاليه
يا قازان مبروك لي قرارك
والف هنيالك يا رايعه
سلمي لنا على ابرارك
دوله حديثه امينه وطايعه
يا السودان افخر بي كاسك
كونك نور لدراما السيره
نهدي الكاس لرئيسك وناسك
واي قلوب في نبينا اسيره
ونهدي الكاس لعموم امتنا
كل الناس الشرقي وغربي
ربنا بارك لي كلمتنا
يا رب جنات لجناك وقربي
يا نعم نصيرنا ونعم المولى
تصلي دوام على محبوبنا
ودايما نكسب كاس الجوله
تزيد افراحنا وتشفي قلوبنا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

الموجود وشافوا شهود

أداء الصحوة للانتاج الفني

قصيدة في مناقب الاستاذة سامية الفكي مؤسسة اذاعة الكوثر لتعظيم النبي صلى الله عليه وسلم

الموجود وشافوا شهود
حكمة سامية بت محمود
وحب تعظيم لسيد هود
ملانة شديد هموم وجهود
هيام الغيب بعقل شرود
تقرا عقود وتمضى عقود
ودايما شوف اماما وفود
كوثر عز بروق ورعود
وراية تهز فيحيا وجود
سامية تضاعف المجهود
والافكار دوام في صعود
سahور في فضا المحشود
تهدي الناس زهور وورود
وخالد رمزي نسمة نجود
وحب في الماحي كله مدود
رفعنا الايدي ربي ودود
بجاهو تبارك المجهود
يكفي الشر ويكفي حسود
وسم دجال وقلب حقود
معاك يا سامية بالتاكيد
المجهود والآراء والتأييد
ونحب الرسول ونريد
محمد ود عطاء السيد
واكرم ربي زيدنا سجود
واكفي الفقرا شر وقيود
وعيد ساهور علينا يعود
وراية الخير تزيذا جنود
صلاتي عليك يا المحمود
سلامي يحقق الموعود
وراية الماحي دنيا تسود
وسامية تواصل المعهود

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

في طريقتك ساميه

قصيدة في مدح الزمال ورفقاء درب التعظيم والتعريف بالنبي صلى الله عليه وسلم الاستاذة سامية الفكي المشرف العام لقناة ساهور الفضائية

في طريقتك ساميه
ولي رسولك ظاميه
وبالفضائل ناميه
من فيوضك طاميه
ومنهجك إحسان
من زخارف خاليه
وليك برامج عاليه
لي رسولنا وغاليه
كمان تقيه وتاليه
وحافظة لي القرآن

بي همومك هانيه
في الإذاعة وبانيه
في المكارم دانيه
جات قناتنا الثانيه
ونخاطب الاكوان

كم كريمه وراقيه
وبركة زي الساقيه
هديك ثمارك باقيه
وبكره خيرك لاقيه
وندعو بالغفران

ليل نهارك جاريه
رافعه لنا الساريه
وبي مهامك داريه
وآيات كتابك قاريه
وقدوة لي الحيران

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

ساميه نعم الداعيه
الشريفه الواعيه
في البرامج راعيه
حل مصاعب ساعيه
في موج بحر ربان

المستقيمه وهاديه
في المواكب حاديه
في المناشط باديه
ديمة رايحة وغاديه
وفي رضا الرحمن

عد الصلاة الوافيه
بي سلاما ودافيه
لي رسول العافيه
والسريرة الصافيه
على مدى الازمان

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

عمرة الخليفة

طالب المدد نولو
مبروك يا الخليفة
زار طه بي عولو
شاف حرم الرسول
يا رحمن رحيم يا واهب الحاجه
تقبلنا الجميع عاصينا والناجي
لا نغشى ام جحيم نيرانا والصاجا
سجلنا الحبيب في كشفه حجاجا

ثنيت بي رسولنا ساق الامم سادا
المولى وحبينا بالرحمه فيك هادا
يا ابو رهام حبابو الابيض الساده
ادانا المدودا زي السحاب جادا

ابو اكمل حلاتنا القعهه في الساحه
يتزيل الغموم والههم ينزاحا
حالف باليمين ريحة العبير فاحا
يا فخر القعاد في ضل نبي الراحه

النور العظيم ذو الفيض والجاها
ذو العلى في علاه بيهو الرسل باها
محروم التعيس دا اليزفر الآهه
واب قيذا متين يمنع مزار طه

سبحان الذي وجد اليتيم آوا
وخلى العالمين في جاهو تتحاوا
في يوم الولود فاضت مياه ساوه
يا طيب المسك والعود والجاوا

في سيرة حياته لا كادا لا اذا
ينصف لي عدوهو وبالسماح جازى
والبطل الشجاع في الصف ليو وازا
يا عامر نهني من بالرسول فازا

والله الرسول قبلتنا والغايه
والعشاق صفوف ماشين ورا الرايه
والمولى الكريم اوصانا وبدايه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

ان كنتم تحبون ولي اخر الايه

متصل الحواجب والقامه زي بانه
قول سود العيون للنوم سالبانه
جاءتلك العجوف الشاة البانا
يشرب والضيوف والماره حلبانا

الصلاه مني خالد لي صاحب الشامه
النبي الكريم درة بني ساما
تاج يوم الحساب والغره والهاما
عدد الغافلين والصاما والقاما



مديح الزمال

سامية الفكي

أداء ثنائي الصحوة

في رياض النبي نتكي
في رعاية سامية الفكي
جهدك المبذول أثمرنا
ساحة المرسول عمرا
بفرق خرطوم واسمرا
كم نصرتي نبينا العظيم
كم تشوفي النبي في المنام
دي المفاخر وحلم الانام
المكارم فيك والسنام
دين وتقوى وطبعا كريم
الشريفة كريمة الأصول
جذك الجيلان والرسول
بشرك مولاك بالوصول
من جمال فيضو الصميم

الرزينة كلامك قليل
تنجز الميسور والجليل
شايه سبحة وماسكه الدليل
ربي سايقك وقلبك سليم

كوثر إف إم تمدحا
بإذاعة النبي كم صحا
لك فيها قطب الرحي
بالرسول وروحك تهيم

دي كوثر اتنين وتسعين
في المدايح نعم المعين
ترجم الشيطان اللعين
بمدافع الصوت الرخيم

الإذاعة برامج تنقلا
طارت الأفاق والعلا
في كريمه وشندي ودنقلا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

عربسات بطبق عميم

كوثر الإشراف خططا
من سعادته محمد عطا
والحسيني يزيل الخطا
وأوبكر وعبد الرحيم

البرامج سيرة وكلام
تنتشر الصلاة والسلام
تبدد الشر والظلام
بحديث من مدد العليم

شوف سعادة الناس بالمديح
بالرطانة وعربي الفصيح
للنفوس والاعصاب يريح
ودوام صلوات وتسليم

صل ربي صلاة الوفا
حضرة المختار مصطفى
بالجمال والخير لطفا
والسلام بالوصف الحميم

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

عبد الله ود الطاهر
على لحن الشريف وعمده وعامر
اداء البيهقي

عبد الله ود الطاهر
في الله في رسوله مساهر
يا استاذ علوم السيره
والروح بي علوما اسيره
اكرم بي مثيلا مسيره
وقلوب غير نبينا حسيره
كم تابعنا بعدو التالت
والخير في امنا النابت
ينفع للمطيع والفالت
من بين الحديث الثابت
ود الطاهر بدد روعنا
اول فقره في مشرو عنا
في مساجد ايدنا وكوعنا
عرف بينا مذهب ونوعنا
الحسيني حسني جذورك
المختار تزوره ويزورك
اجواد توفي كل نذورك
ربي يبارك فيك وبذورك
بي حب طه قلبواتنثر
يا مدير ساهور والكوثر
والصوت في القبائل اثر
حاشاك ما جواظ الثرثر
تمنع نفسك تشبع غيرك
ربي يبارك لي في سيرك
تكرم جارك ضيفك وطيرك
ربي يبارك لي في خيرك
دا الكريم ابوك يا ماري
يا علي والفتاح ساريه
يا محمد اب روح داريه
بركات ربي ليكم جاريه
صلي ربي على مطلوبنا
دا الساكن زوايا قلوبنا
يشفي لي يزيل لعطوبنا
يكشف لهمومنا خطوبنا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

أبو محمود
أداء ثنائي الصحو
واداها ايضا محمد صلاح

يا لساني نم وقول
ابو محمود بالخيال يصول

صبي في قامة الكهول
بالدين مترع والأصول
من شراب القوم نهول
وللرسول يغرس شتول
فايت ارباب العقول
كتاب معطر بالفصول

طفل معجزه من بدا
بالخير يبشر لي غدا
راعا الإله ليه وهدى
وملا هو لي آخر مدى
في الصعاب يمدد يدا
غاض للمكابرة والعدا

يا ابن آسيا المستقيم
الهمو للخيرات يقيم
في دجى الليل البهيم
بالرسول النور يهيم
يحاذر استار الجحيم
ويدخر ربا رحيم

شاد بعزموا الكوثر
اتنين وتسعين نضرا
كم مكاتب اجرا
والمواهب فجرا
والمدايح عطرا
وكوثرنا ديمه مبطره

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

ابو محمود سند الرسول
مرحبا شيخ العدول
مديرنا يقطع كل قول
للمشروع هو الفعول
اذاعة في كل السهول
ملانه بالرضا والقبول

صليت على قمر الوجود
النور و ظاهر في الجدود
من وضع عرف السجود
البليغ شافي الردود
في الجحيم وضع السدود
ينجدنا بي كيل المدود



مديح الزمال

عمرة ابو عكاشه

نعم الهنا وزارا
النبي الحبيب
في السوح والدارا
مبروك يا اب عكاشه

مبداي بالكريم البر ووهابا
ذو البطش الشديد النارو لهابا
الحارس السما بالنجم وشهابا
نسبحوا جل قدره ذو العرش ومهابا

ثنيت بالرسول نور ديننا والبابا
فارسنا القرشي لا خاف لا هابا
السنة وشريعته والطريق جابا
يا شاييل الجميع العاصي والتابا

مبروك اب عكاشه الزوره لي طابه
سلطان عاشقين صاحب قلب ذابا
من تبيت صغير لامن كبر شابا
رام حب الرسول شوف قلبه منصابا
مشتاق والهيام فيح نارو غلابه
لاب طرفا كحيل وعيونه خلايه
محشوده المدينه وكثيره طلابا
والمدح الرسول بالزوره اولابا
لا شك اب عكاشه من حمزه بيدابا
قانون المدينه واعرافا وآدابا
ومن باب السلام للحضره عدايا
بالروح والنفوس لسعادته نفايا
ممدوح في الكتاب تورا وبرنابا
وصفاته اب عكاشه في مدحه غنايا
الشاف الجنان بي تينا واعنايا
وفي النيران يشوف اسواط واذنايا
شفاع الامم هو القاسيه ركابه
حمال الديون وللضعيف كابا
قايد للجيش والغزوه عكابا
بي فد كلمتين للحمله دكابا
الصلوات الوف لاب دعوه هي مجابه
تكفينا الهموم والغفله وحجابا
وفي وصف الحبيب تزيدينا اعجابا
في الدنيا السرور وللآخرة نرجابا



مديح الزمال

يا احموووودي

لي سوح الشفيغ اولنا
يا احمودي قوم طولنا

قمنا سراع وما تاجلنا
في كشف الحجيح سجلنا
لي عالي الجنا بجلنا
نسافر طيبه واتعجلنا

جيناك يا الحبيب واهلنا
ندخل للسلام بمهلنا
من انواره ضوه ذهلنا
منو شربنا منو نهلنا

القاتل قريش دا فحلنا
يا احمودي ياهو كحلنا
دا الينفض ذنوبنا وحلنا
لزورة جاهو نحن رحلنا

بي جاهو العظيم يشملنا
يا احمودي طه املنا
نرجو شفاعته لا بعلنا
ذنوب الشوم ونحن حملنا

مين يوم الحساب كفنا
من امنا بعد جفنا
مين في جاهو نحن رفلنا
من لولا هو يا احمودي كنا افلنا

شهر والقعهه قالوا اطلنا
اريت احمودي نحن مطلنا
من النور شبعنا هطلنا
يا طه العظيم وبطلنا

يا رب الخلق وازلنا
صليت والسلام ويزلنا
في سوح طه نحن نزلنا
اغفر لنا جد وهزلنا



مديح الزمال

سنه وخمسين

سنه وخمسين
عمر راحا
فشمر آخره ترتاحا

بديت بي واهب الاعداد
والاجال مميت قهار
يحفظ ليك لسابع جار
من في الدار ورب الدار

ثنيت بي من شغل بالي
وتصدر عنه احوالي
نبي الله حبيب غالي
اصلي عليه متوالي

سنه وخمسين عدد مبدئي
فزيد يا ربي من وجدي
وحبك وطه في كبدي
وقول في جواربي يا عبدي

ونفسي الدنيا مهتمه
قريب ستين كفى الذما
رفع دولار رفع حمي
ونفسي الغافله من عما

نذير الشيب يكفيكا
فاصلح كل عيب فيكا
ولو في الصين وامريكا
فملك الموت يلاقىكا

بي حب طه ريبتك
مقدس يا وحيد بيتك
كلمتك وعلمتك ووصيتك
فاحذر لا ينقطع خيتك

حبيبنا نبيل وبسماته
راقبه وعاليه هماته
كريم ارحم لاماته
ويسر كل مهماته

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

ضل اشرافنا نرتاحا
والهم الكبير طاحا
شريف وشريفه نور لاحا
عطوره نبينا فواحه

عمرنا يطول ولو ساعه
لو كان في سبب طاعه
ومهما طال يكون ضاعا
لو ما للرحيم راعا

املنا عليك حبيب الناس
تزيل الهم وتمنع باس
بحق الحمزه والعباس
نفوز برضاك نشيل الكاس

نذير الشيب له معنى
مهما شرينا او بعنا
كريم اكفيننا من لعنه
ومن شيطان يضيعنا

صلاتي علي حبيب الروح
سلاما من قلب مجروح
مناي لحظه ازور السوح
ونورك لي الهياما يلوح

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

سامية بت محمود

أداء المجموعة خالد الصحافة

ومحمود عبد العزيز وعصام محمد نور

ووليد زكي الدين وعبد العظيم الفاضل

ونبوية الملاك وعفاف ابنعوف

ألحان ناصر عبد العزيز

خصالك سامية

نارك حامية

واسمك سامية بت محمود

ولي قدام عزيمتك رامية

صلابة الروح

وعطر يفوح

يبني صروح

ويشفي جروح

وطالع كلو سعد سعود

يجاهد يحقق الموعود

هنا الكوثر

هنا المحبوب والسيرة

هنا تتواصل الأزمان

والجيره

هنا تتساقط الاحزان

محمد لا يكون نكره

محمد صاحب الفكره

محمد مركز الاكوان

وحات الواحد السلطان

محمد عزة السودان

كتاب مشروح

بحبو نبوح

وصالو

طموح

واسمو كمان يرد الروح

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

وهو الاوطان
وهو القبطان
وانا المذهول
محمد كيف يكون مجهول
وما معقول
وما بنقل شباب وكهول
وكيف نعمل وكيف القول
ضروري قبول

مدد لي ساميه يوماتي
مدد مخصوص
كلام منصوص
مدد ذاتي
بيعة عذيلة ما في نكوص
محمد في الاذاعة يصول
يبارك جهدك المبذول
ويمسح دمعك المسفوح
ويدعو ليك بي دعوات
ويلهم عقلك الافكار
كما التسبيح والانكار
ويشيل من قلبك الانكار
وبيك أفخر
اقيف في الحضرة واستحول
واتبخر
مساحات الكمال أكمل
الطيب وشيخ ادريس
شالوا الفاتحة للإنجاز
وجدك الولي الجيلان
قال إعجاز
شيوخ الدايه شاروا عليك
وخوجلي من زمان اخبر
بكل الفيك
وانو الناس بلموا عليك
وربي أجاز

وتاني أقول وأتجسر



مديح الزمال

ويوم الناس بتتعرس
ويوم الهول تتأثر
أكيد يا سامية
فوق الحوض
مع جدك
بتسقي الناس
كاس ورا كاس
موية هنية من كوثر
لأنو البسقي في الدنيا
شرط أساس
كالعباس
رتبة عليه
درجة سنية
كنفو يزاحم السابقين
والشهداء والصابرين
وشربة روية من إيديك
بتسقيننا وتكفيننا
حديث الصادق المصدوق
بذا أخبر

هنا الكوثر
هنا حسان والبرعي
هنا القرآن محكيا
هنا الورع
هنا الفرع
وذاك الاصل والشرع
هنا من كلم الرحمن
هنا من أدهش الضرع

هنا طابة هنا طيبة
من القبة الخضراء
ننقلكم الى الغيب
الى من نوره المبهور
يقهر هيبة الهيبة
ولا ريب

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

وندعوكم لننقلكم
ونرجوكم لنسمعكم
مقاطع من غنى وسيره
فنقطع دابر الحيره
نזור الكل والارواح
والتاريخ والانسام
والاجسام
نعربد في بلاط الحب
والمحبوب
بلاد الضاحك البسام

جزاكي الله يا سامية
جزاكي الله بالخيرات
والبركات والرحمات
فقد افرحتي محزونا
وقد حررتي مخزونا

وقد خصوك بالشرف
وسر الكلمة والحرف
والتصريف في الظرف
والتبطير في ترف

سألت الله بالمكنون
من إسمو
سامية زيادة تسمو
وترفع للنبي رايات
وتدفع للعلا غايات
ويرعى ظلها النسم

صلاة الله ما دامت
سماوات وارضونا
صلاة الله ما هامت
قلوب الناس مفتونه
على طه الذي بالناس
شفاعا وماذونا



مديح الزمال

البث المباشر

برسول الله
المشروع في امان الله
احمدوا الله

قول ربنا قادر
رب طيبه وحرمنا وناذر
ساهورنا تبادر
بالبث الفضائي مباشر

مبروك يا عامر
المشروع بالحيل بقي فاخر
في باطن وظاهر
رسول الله بي مدده يظاهر

مبروك يا ذاكر
من حلفا ودويم والفاشر
لالهك شاكر
بالبث الفضائي مباشر

في صفاتك ساميه
ليك تكريم الحضرة الساميه
يا ناصر الراميه
في التعظيم انصرنا بساميه

يا بت عوض الله
وكل الخير على ايدك حل
في الكوثر هل
وساهورنا القناة تتعلا

بإذاعة الكوثر
والتعظيم في الشعب الاثر
صلوات تنيسر
وتحلحل صعيب ومعسر

ساهورنا الغاليه
ودروس للسيره العاليه
صلوات متواليه
اعداد الكتاب التاليه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

دوحه وريفه
وبركات الشريف وشريفه
راويه خريفا
بالذوق والقسم وحليفا

ساهورنا هديه
لي روح البحبو نبيا
حضره نديه
وبركات ميه الميه

صلوات مرضيه
لي طه الصفاتو رضيه
وانواره وضيه
تنفعنا في كل قضيه

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

الشريف وعمدة وعامر
أداء عبير على و مجموعة الكوثر
الхан يوسف القديل

يا الشريف وعمدة وعامر
قوماكم مدينتو نساقر
أول فرضنا النية
إن شا الله بالقبول مرضية
طائرتنا سودانية
خرطوم للمدينة مباشر
ندخل طيبة بالأداب
ونحترم أثر الأصحاب
ونخشى للعمل من خراب
وفي القيامة عهن طائر
من باب السلام خشينا
نمشي للمقصورة الزينة
في وقار وخشوع حيينا
الرسول وصحبه الباهر
في دار سيد البركات
نملاً عيوننا في الحجرات
معذور سالت العبرات
وفؤاد شوقو سيلا ذاخر
بزيارة سيد الحوضا
والصلاة في قلب الروضة
عل ربي بيهم يرضى
نكون في جاه اليوم الآخر
في ذوق الصفوف صفينا
وفي محراب النبي صلينا
ركعتين وما بتشفيينا
وأدروب عندو نية يجاور
نمشي بالتهليل والزفه
لي منازل أهل الصفه
العبادة ليهم حرفة
ناس بلال وأبي ذر الثائر
أبوبكر يزور السواري
السريير والحرس كرار

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الزمال

السيدة عائشة والزوار
أبي لبابه ودمعه الهامر

صاح دليلنا وبنيه سرنا
وللبقيع وأصحابه زرنا
دعينا ليهم وما فترنا
ويأمانتنا سلام وافر

يلا سيدنا حمزه نزوره
في ضريحه الغامر نوره
رب صل عليه دهور
وكل شهيد في مقامه الزاهر

بالصلاة أمرو الملك
في وادي العقيق البركة
ركعتين بداية النسك
ذو الحليفة ميقات ظاهر

صلوات وسلام يتوالو
للنبي وأصحابو وآلو
عدد الكافرين والآلو
والنجوم والحصى والماطر



مديح الزمال

يا الشريف قوماك

ياالشريف قوماك العمره
نضرع لي عظيم الامر
نمشي ونحتفل اكمالك
اربعين سنوات هجريه
ربي يكمل ليك آمالك
يبارك في عيالك ومالك
من دبي نسافر جده
والغرام لي قلوبنا الهد
نحرم بانسراح وموده
بالطيب والعبير والند
لي مكة العظيمه مشينا
نمسح للذنوب الشينه
نحمد لا كذب لا وشينا
بالفيض قول كدي اتعشيا
نكمل لي فرايض العمره
بارك يا كريم في العمر
نسلم من عذاب الجمره
نكرم كالجنيذ وابي جمره
بالشوق والمشاعر الطيبه
نفرح بالذهاب لي طيبه
لي سوح من يداري العيب
وانزل بي دعاه الصيب
قايد العمره لينا ونورا
عامر دا الامين وخليفه
طوالي المدينه يزورا
رب اجعل قلوبنا اليفه
حين داعي النداء دعانا
في الرفقه الجميله معانا
دكتورنا نبيل ير عانا
يا رب فيك يطيب مسعانا
صلواتنا وسلام يتوالى
لي من لم يقل قط لا لا
في سيد ناس صهيب وبلا لا
تشكيلو الخلق احمالا



مديح الزمال

ابشر يا ابو ياسر

غني وابشر يا ابو ياسر
بي مديح جذاب وأثر
للشجاع في حنين وحاسر
والبتابعو ماهو خاسر
ببداً بالقدوس وقادر
كل فعل منه صادر
خالق المشهور ونادر
والملك تسبيحو هادر
ربي يا من لنا فاطر
وجاد بي كل الخواطر
السحاب مليات وماطر
والمدد زاهر وعاطر
بثني بالمبعوث وطاهر
اليحب جابر وزاهر
النشور يوم نوره باهر
يطفي للأنوار وجاهر
قال انا الاول وآخر
والشفاعة لليها داخر
النبي المحمود وفاخر
الحبيب الماهو ساخر
الحبيب وضاح وناير
بالبراق طاير وساير
قاصد الرحمن وزاير
قاب اقل قوسين صاير
ابن اسماعيل وهاجر
هج من مكه ومهاجر
كان راعي وكان تاجر
والصيام الفي الهواجر
القلب عاشق وذافر
للقمر في حسنه سافر
نسال الرحمن وغافر
نبرى من تشريك وكافر
صلي يا وهاب وشاكر
على النبي الشاهد وذاكر
عد من اسلم وناكر
عد ما الخيل كراكر